

Wā ko an COVID-19 im An Enbwinnid Maron Kōmman Ajiri: Jej ke aikuj inebata?



Emōj am maron kar roñ ke wā ko an mRNA, einwōt wā ko an Pfizer im Moderna, remaron jañiji DNA eo am ak renaj kakkure an maron wōr nejum ajiri. Emmon an wōr kajitōk im am bōk melele! **Eñin ej ta eo kwojaikuj jelā kin wā ko an COVID-19.**



Ta ko iloan wā ko an mRNA?

Ewōr kein lelok melele in RNA, aebōj, juga, jool, im kein kajir ak kirij ko iloan wā ko an mRNA im rejab itōk jen menninmour. **Ejellok kij mour iloan wā ko innem rebañ kōmman kij kāāl iloan enbwinnim ñan kanañinmij kwe.**



Ewi wāween an wā ko jermal?

Enbwinnim ej riiti kakōlle eo an mRNA im kōmmane juon jipaik protein einwōt jipaik eo ionon kij eo an COVID-19. Cell ko am rej kile protein kein ke rej letōk uwōta im rej kakkure aer kōmman antibody ko ilo ien madmōd in. Ñe kwōnaj kebaak kij eo, ewōr an enbwinnim antibody ko kiō ñan kejbarok kwe.



Wā ko rej ke jañiji DNA eo aō?

Jab, enbwinnim ej kakkure mRNA eo alikin an kōjerbale im ejab kakkure DNA eo am make. Kwōmaron lomnak kin madmōdin einwōt juon Snapchat, **emōkaj an jako im ejab to ien an bed iloan enbwinnid.**



Wā ko remaron ke letōk abnōnō ko iomwin ien aitōk einwōt waroñe?

Jab, Ejellok kamool ñan jidik ke wā eo ej kakkure mōttan ko iloan enbwinnid im rej koba ilo jikin kōmman ajiri ko ad einwōt kōmelij eo ad im jikin kōmman ajiri ko ad.



Emaron ke wōr nejū ajiri alikin aō bōke wā eo an COVID-19?

Aet, 23 armij rar bōroro alikin aer bōke wā eo ilo ien katak in wūno ko an Pfizer-BioNTech. Ñan kiō, enaj wōr ripoot ke ewōr abnōnō ko rar walok jen wā in ibben armij rein.